

# TEZAU LITURGIC

29 IUNIE

# ACATISTUL SF. APOSTOLI PETRU ȘI PAVEL



TBILISI, 2000



# დაუჯდომელი საგალობელი წმიდათა თავთა მოციქულთა პეტრესი და პავლესი

## კონდაკი 1

კრავისა მიერ უბიწოდსა აღრჩეულნო ქადაგნო,  
რომლისთჳსცა დაიკლვენით, ქრისტეს ღმრთისა  
ყოვლადდიდებულნო მოციქულნო პეტრე და პავლე!  
ვინადთგან ღმრთისმეცნიერებითა განანათლეთ  
ყოველი სოფელი და მადლისა წყარონი სიუხვითა  
ასუთ, აწცა მოიხილენით სიყუარულითა სახელთა  
თქუენტა მომხსენებელთა ზედა. აღგუავსენით ჩუენ  
სულითა სიბრძნისადთა, გულნი ჩუენნი  
განამტკიცენით სარწმუნოებითა, რადთა  
შემუსრვილითა გულითა დაუსრულებელად  
გიგალობდეთ სამადლობელსა:

გიხაროდენ, წმიდანო თავნო მოციქულთანო პეტრე  
და პავლე.

## იკოსი 1

ანგელოსად კეთილმაუწყებელად გამოსჩნდით  
ქუეყანასა ზედა, ნეტარნო მოციქულნო პეტრე და  
პავლე, რამეთუ სარბიელსა თქუენსა ზედა  
მოწოდებულ იქმენით ჩუენისა დახსნისათვის,

ირგვლივედი ყოვლისა სოფლისაჲ მოიცვენით,  
იუდეანთა და ელლინთა ქრისტესა ჯუარცმულსა,  
ძალსა ღმრთისასა და სიბრძნესა ღმრთისასა  
უქადაგებდით. მითვე ნათლითა მოძღურებისა  
თქუენისაჲთა განათლებულნი ჩუენცა ვხმობთ  
გულითა და ბაგითა ესრეთ:

გიხაროდენ, ვარსკულავნო ნათელცისკროვანო,  
გამოჩინებულნო აღმოსავალითგან და ყოველთა  
კაცთათვის ქრისტეს გზისა მაჩუენებელნო;

გიხაროდენ, ქრისტეს ეკლესიისა სიმტკიცენო და  
სუეტნო შეურყეველნო;

გიხაროდენ, ქრისტეს მიერ მიმთუალველნო  
ხელმწიფებისა შეკრვისა და განხსნისა ცოდვათა  
ჩუენთაჲსა;

გიხაროდენ, თქუენთა წმიდათა წერილთა შინა  
ღმრთისა სარწმუნოებისა და სასოებისადმი  
მომწოდებელნო;

გიხაროდენ, ცხორებითა თქუენითა ცოდვილთათვის,  
ხატნო მოქცევისანო;

გიხაროდენ, სიტყვთა და საქმით ჭეშმარიტისა  
სიყვარულისა სიღრმისა გამომაჩინებელნო.

გიხაროდენ, წმიდანო თავნო მოციქულთანო პეტრე  
და პავლე.

## კონდაკი 2

გიხილა რა, მოციქულო პეტრე, ძმისა შენისა ანდრიასა თანა, გარდამგდებელი ბადეთა ზღუასა ზედა გალილეასა, გრქუა თქუენ უფალმან: „შემომიდექით მე და გყო თქუენ მესათხევლედ კაცთა“. და მეყუსეულად დაუტევეთ ბადენი და მისდევდით მას. მითვე, შუენიერებაო კათოლიკესა ეკლესიისაო, გუყვენ ჩუენ, მსწრაფლ აღმასრულებელ საღმრთოთა მცნებათა, მყოვარ ცოდვათადმი, და ეგრეთ გამოუცდელ ბოროტისაგან და წინამძღოლობითა შენითა, მივიწინეთ საზომსა კაცისა სრულისა ჰასაკისასა, მგალობელნი ღმრთისადმი: ალილუია.

## იკოსი 2

მოშურნეობითა მამათა გარდამოცემისა საღმრთომან გონებამან განგანათლა შენ, პავლე, ჭურო რჩეულო, რაჟამს, ვიდოდი დამასკოდ მდევნელი ქრისტეს ეკლესიისა, რამეთუ მას ჟამსა შინა მეყუსეულად განგაბრწყინვა შენ ელვარებამან საუფლოდსა დიდებისამან და ხმა მოიწია ზეცით: „საულ, საულ, რაისათჳს მდევნი მე?“ ხოლო შენ დაღათუ დაბრმობილ იქმენ ხორციელეობრითა თუალითა, იხილე სულითა ძალი და დიდება ქრისტე ჯუარცმულისა, წყუდიადისა განმანათლებელისა და დამნერგველისა თჳსითა სიყუარულითა ეკლესიისა,

რომლისთვისცა ტყუე იქმენ რად სულითა, სინანულისა და მორჩილებისა მქონებელი იტყოდი: „უფალო რად ვქნა მე?“ შემდგომად ამისა ხელთაგან უფლისათა მიიღე წილი მოციქულებისა და ნათლის-ღება წყლითა და სულითა ყოვლადნეტარისა ანანიასაგან, გამოჩნდი რა საკვრველად ჭურად რჩეულად მადლისა და მოწამედ დაუდუმებელად მაცხოვრისა ჩუენისა, რომლისა მიერ ჩუენცა განათლებულნი გიგალობთ შენ ესრეთ სწავებულნი:

გიხაროდენ, ეკლესიისა ნათლიერებაო,  
გამოუთქმელისაგან ნათლისა გზად საკვრველად  
გამოცხადებასა შინა ენათა მიერ აღნთებულო;  
გიხაროდენ, ცხოვრებითა შენითა საღმრთოდესა ძალისა  
ნიშთა გამომაჩინებელო და მათ მიერ ურჩთა პირისა  
დამხშველო;

გიხაროდენ, ჭურო რჩეულო, უმრწემესად დასსა შინა  
მოციქულთასა და უპირველესად შორის ცოდვილთასა  
თავისა თვისისა შემუსრვილებითა შემრაცხველო;  
გიხაროდენ, ვითარ იგი ქერაბინი მესაიდუმლოე,  
სარწმუნოებითა და სიყუარულითა ცად მესამედ  
აღკედ;

გიხაროდენ, ვითარ იგი სერაბინი მოტყინარე, შურიტა  
საღმრთოდთა შეიჭურვებოდი და განილეოდი;

გიხაროდენ, პავლე და პეტრე, სახარებისა საყვრნო  
ქუხილხმოვანნო, რომლითა საფუძველნი ძუელისა

სოფლისანი, ვითარ იგი იერიქონი მეორე  
დაარღვენით.

გიხაროდენ, წმიდანო თავნო მოციქულთანო პეტრე  
და პავლე.

### კონდაკი 3

ძალი მაღლისა, რომელ უძღურებასა შინა იხილვების,  
გარდამოავლინა შენზედა, პავლე, ანდამატო  
სარწმუნოებისაო, რამეთუ მართლიად აღმოიტყოდი:  
ყოველივე ძალმიძს ჩემისა განმადლიერებელისა იესოს  
მიერ - ჭეშმარიტადცა მქადაგებელ იქმენ სიტყვსა  
ღმრთისა გამოჩინებითა სულისა და ძალისა, იქმოდი  
რა დიდებულსა და გამოუთქმელსა, სახელოვანსა და  
შემადრწუნებელსა, ვინადთგან ვერმცნობელნი  
ღმრთისანი ღმრთისმეცნიერებასა აზიარენ,  
განფიცებულნი გულითა ზეთითა მოწყალებისათა  
დაალტვენ და განბნეულნი ცხოვარნი ერთობით  
ერთისა მწყემსისა საცხოვარსა შემოჰკრიბენ,  
ერთხმობით გალობისა მასწავლელმან: ალილუია.

### იკოსი 3

გაქუნდა რა კადნიერი სიყუარული უფლისა მიმართ,  
ჰოდ პეტრე, ვიდოდი აღძრულთა წყალთა ზედა,  
ვითარცა ჯმელსა ზედა, გარნა დაღათუ დანთქმითა  
ზარცემულ იქმენ და იჭუნეულობითა ღელვა-

გუემულ, მაშინცა განირთხენ ჯელნი შენნი და მიაპყარ  
თუალი მხსნელსა, მღალადებელმან სიღრმით  
გულისაით: „უფალო, მიხსენ მე“. და მეყსა შინა ხელი  
შეწევნისა აღგიპყრა ქრისტემან, მხსნელმან ჩუენმან.  
ეგრეთცა ჩუენცა საწუთროსა ამის სოფლისასა,  
განსაცდელთა მიერ ზარდახსნილნი და ვნებათა  
აღძრუთა დანთქმულნი, მყუდროდსა ნავთსაყუდელსა  
სრბისა შენისა მიხედვითა კეთილად მიყვანებულნი,  
სამადლობელად ესრეთ გიგალობთ შენ:

გიხაროდენ, კლდეო სარწმუნოებისა  
მრავალსასყიდლისაო, ლოდისაგან თავსაკიდურისა  
გამორჩეულო და დაფუძნებულო;

გიხაროდენ, მრავალფერითა ნიჭებითა მის მიერ  
უჩინებულესად განშუენებულო ტაძარო სულისა  
წმიდისაო;

გიხაროდენ, მეთევზურო ყოვლადუბრალოო,  
აღსავსეო სიბრძნითა ღმრთისაითა, რომლისა ვერავის  
კაცთაგან ვერ ძალუმს წინააღდგომად;

გიხაროდენ, უმეტეს მეფეთა და ჩინებულთა ამის  
სოფლისათა უფლისა მიერ საუკუნოდ განდიდებულო  
ღმრთისა დიდებულებისა თვთმხილველო;

გიხაროდენ, ქარტაო სულიერ-ქმნილო, რომელსა  
შინაცა სიტყუა ღმრთისაი ცეცხლოვანითა ანბანითა  
შთაიწერა;

გიხაროდენ, მოციქულისა პავლეს თანა მთიებო

სწორად პატივცემულო და დაულამებელო.  
გიხაროდენ, წმიდანო თავნო მოციქულთანო პეტრე  
და პავლე.

#### კონდაკი 4

ფიცხელთა განსაცდელთა აღმური აღძრა  
ძუელოდესმე კაცისმკლველმან, პირუელადვე  
მეძიებელმან საღმრთოღსა ეკლესიისა საჯმარად და  
მოწაფეთა მაცხოვრისათა, ვითარცა იფქლისა  
განბნევად მნებებელმან: გარნა უფალი ილოცვდა  
შენთვის, ჰოე პეტრე, რადთა არა მოგაკლდებოდის  
სარწმუნოებად. და ესრეთ მაცხოვრისა მიერ  
განათლებულმან და მის მიერვე უძლურებასა შინა  
განმტკიცებულმან, ჭეშმარიტად შეფქუენ ღაწვნი  
მტერისანი და მოქცეული განმამტკიცებელ ექმენ  
ძმათა შენთა, მგალობელთა ღმრთისად: ალილუია.

#### იკოსი 4

გესმა, პავლე ყოვლადბრძენო, საკვრველებისა  
რჩეულებისა შენისაღსა, რადთა აუწყებდი სახელსა  
უფლისა იესუღსა ერთა და მეფეთა და ძეთა  
ისრაელისათა, მჭურეტელნი შენნი სიტყვთა, საქმითა,  
სიყუარულითა, სულითა, სარწმუნოებითა,  
სიწმიდითა, ვითარ იგი ნათლად წარმართთასა ხსნად  
მათდა დადგინებულად, ურწმუნონი სარწმუნოებითა

განათლდებიან. მორწმუნენი განსცხრებოდნან და უფალსა ქებითა აღამაღლებენ. მითვე ჩუენცა, მარადის გიხაროდენისა მცნებისა მიმღებელნი, მოგიძღუანებთ შენ ხმითა სახარულევანითა ესევეითარსა:

გიხაროდენ, ქრისტეს სარწმუნოო მსახურო, რომელმან ყოველივე დიდებული ამის სოფლისა ნაცრად და მტუერად შეჰრაცხე და ყოველთა დაუმორჩილებდი თავსა შენსა ქრისტესათვს და სახარებისა;

გიხაროდენ, კეთილო მხედარო ქრისტესო, ყოვლითა საჭურველითა ღმრთისადთა აღმკულო და ყოველთავე ენათა ქრისტეს მორჩილებად მომყუანებელო;

გიხაროდენ, ტარიგო ღმრთისა სათნოო, ქრისტესთანა ჯუარცუმულო, ქრისტესთვსვე ყოველთა დღეთა კუდომისა ჩვეულქმნილო;

გიხაროდენ, ცრემლითა მრავლითა დამთესველო;

გიხაროდენ ტყუე-ქმნილო და აღმსარებელო, ყოვლადდიდებულო, წყლულებათა უფლისა იესო ქრისტესთა სხეულსა შენსა ზედა მხიარულებითა აღმბეჭდველო;

გიხაროდენ, დიდებაო და ქებულებაო კათოლიკე ეკლესიისაო, რომელი ამის სოფლისა საკიცხველ იქმენ, სიყმილი, წყურვილი, სიშიშულე, გუემა და კიცხევა ქრისტესათვს მრავალგზის თავს-იდევ;

გიხაროდენ, პავლე და პეტრე, მოციქულთა

შუენებანო, მახარებელნო სოფლისანო, ეკლესიისა განმამტკიცებელნო.

გიხაროდენ, წმიდანო თავნო მოციქულთანო პეტრე და პავლე.

## კონდაკი 5

ვარსკულავი ღმრთივმავალი გამოგიჩნდა, ჰოე პავლე, ოდეს სრბა შენი უნათლესად იწყე დამასკოსა და ვიდრე რომადმდე მიიწიე, ვითარ იგი უწინარეს ვარსკულავმან აღმოსავალითგან ასწავა მოგუთა თაყუანის-ცემად მზისა სიმართლისად, ეგრეთვე შენცა, ღმრთივგანბრძნობილო, გზასა ქრისტესსა უჩუენებდი ყოველთა, მნებებელთა მიწევნასა მაცხოვარებისასა, მხმობელი მრავალთადმი კადნიერებით: „მობაძავ ჩემდა იქმენით, ვითარცა მე ქრისტესა“. მის მიერვე ყოველთა ვისწავეთ ღალადებად ერთითა ბაგითა: ალილუია.

## იკოსი 5

იხილე მთასა ზედა თაბორსა დიდება მხოლოდშობილისა ძისა, შემოსილისა ნათლითა, ვითარცა სამოსლითა, ამისთვსცა მნებებელ იქმენ შემოსვად კიცხევისა და წინასწარმცნობელი, ჰოე პეტრე, გამოუთქმელისა დიდებისა იესუდსა სციდულთათვს უბიწოდსა კრავისა სისხლითა

იტყვოდი: „უფალო, კეთილ-არს ჩუენდა აქა ყოფად“. ამისთვის ჩუენცა, ნათესავნი შორებელნი, მოკლებულნი სიწმიდესა ნათელცისკროვანსა, ხოლო თუ უღირსნიცა ვართ, გარნა ანგელოსებრივითა ხმითა შენითა წოდებულ ვართ სამკვდრებელსა უხრწნელსა, წმიდასა, დაუჭნობელსა, დამარხულსა ცათა შინა, ვითარ იგი ზიარნი მნებებელობისა გამოჩინებასა დიდებისასა ესრეთ ვხმობთ შენდამი:

გიხაროდენ, ნეტარო, მარადის არსისა  
ჭეშმარიტებისაგან ღირს-ქმნილო „ნეტარად“  
წოდებისა;

გიხაროდენ მარგალიტო უკეთილესო, ტბისა თანა  
მოპოებულო და ნათლითა ნათლისაგან  
გამობრწყინვებულო;

გიხაროდენ, თავადისა კაცთა ნათესავისა მაცხოვარისა  
მიერ სიტყვსა ღმრთისა ქადაგებად წარგზავნილო;

გიხაროდენ, ჭეშმარიტად კაცთა მესათხევლედ  
გამოჩინებულო, რამეთუ შენ, ვითარ იგი უწინარესცა,  
დამბრმალთა სულთა ქრისტეს ღმრთისა ნათელსა  
საკვრველსა მოიზიდავდი;

გიხაროდენ, წყაროო განმაცხოველებელო, ცხოვრებისა  
სამარადისოდსა წყაროსაგან წარმოდინებულო და  
სულისა წმიდისა ნიჭთა სიმრავლისაგან წყურიელთა  
სულთა მასმეველო;

გიხაროდენ, პეტრე და პავლე, ვითარცა ექუს-ექუს

ფრთენნი სერაბინნი წინაშე მეუფისა დიდებისა  
საყდრისა მფრინვალენო და საღმრთოთა  
საიდუმლოთა ნათლისა მჭურეტელნო.  
გიხაროდენ, წმიდანო თავნო მოციქულთანო პეტრე  
და პავლე.

## კონდაკი 6

შემდგომად სიკუდილისაცა მქადაგებელად  
დაუდუმებელად გამოცხადებულხარ, ჰოი პეტრე,  
ღმერთშემოსილო, რამეთუ ზეცისაგან სულიერისა,  
ვითარცა იგი ქუხილი საიდუმლო, მრავალსახედ  
მოგუაგონებ ხმობილთა ქრისტეანედ. და ჩუენცა,  
მეცნიერნი შენისა არაოდეს მოუცილებელისა  
სიყუარულისა და ლოცვისა წინაშე საღმრთოდასა  
საყდრისა ჩუენთვს შეწირულისა, ვლალადებთ  
გულითა შემუსრვილითა: ალილუია.

## იკოსი 6

გამობრწყინდი შენ, პავლე სახელდიდებულო,  
ნიშებითა და სასწაულებითა, ვინაფთგან სულმან  
წმიდამან გიბრძანა შენ ანტიოქიას დაწყებად  
მსახურებისა ენათა მოციქულისა: შენცა ოდეს მიხვედ  
კვპრედ, ელჳმას მოგვსა მხედველობა ცუდ-ჰყვენ,  
სერგი მთავარი ნათლითა ჭემმარიტებისათა  
განაცისკროვნე. ღირს-გუყვენ ჩუენცა ნათლისა ამის

ზიარებასა, რათა ვადიდებდეთ საკვრველთა საქმეთა  
შენთა საგალობელთა და შესხმათა მიერ სულიერთა  
მაგალობელნი შენდა ესევეითართა:

გიხაროდენ, ნათელო გულთა შემუსრვლთა და  
გონიერთაო, ვინაძთგან, ვითარცა ღელეთა ათბობ და  
ასაზრდობ ღმრთივსულიერთთა სწავლებითა შენითა;  
გიხაროდენ, კუერთხო სჯულისაო, ჭურთა სიცრუისა  
და ლიქნისა სავსებით შემმუსრველო, ხოლო გულითა  
შემმუსრვლთა სარწმუნოებისა შეუძრველსა კლდესა  
ზედა დამამყარებელო;

გიხაროდენ, ხილულთა ზედა აღმატებულო და  
განდიდებულო;

გიხაროდენ, თაფლისა უტკბილესისა ბაგითა  
მოციქულთა და მორწმუნეთა მრავლისა სიხარულისა  
მაუწყებელო, რამეთუ შენ მიერ განელო ყოველთა  
ტომთა კარი ცხორებისა;

გიხაროდენ, საღმრთოდთა შურითა, ელიაო ახალო,  
არა სხვსა საფუძუელსა ზედა დამნერგუელო და  
მოშურნეობითა შენითა შორეულთა ქუეყანათა  
მომხილველო;

გიხაროდენ, პავლე და პეტრე, შორის თქუენსა  
ყოვლისა სოფლისა განმყოფელნი, რადთა მით სამე  
იქმნნეთ ერთ მოციქულ ენათა, ხოლო მეორე  
მქადაგებელ შორის ერისა რჩეულისა.

გიხაროდენ, წმიდანო თავნო მოციქულთანო პეტრე და პავლე.

## კონდაკი 7

გსუროდა რა ჭეშმარიტებისა განმტკიცება და ეკლესიისა გარემეზღუდვად მშვიდობითა, მიხვედ წმიდასა ქალაქსა, პავლე, სიმართლისა თანამბრძოლო. და კრებულსა წმიდათა მოციქულთა და მორწმუნეთასა ერთობით პეტრესა და ბარნაბასათა ასწავებდი, ვითარმედ „სული წმიდა ქრინ, სადაცა ჰსურის, მიმნიჭებელ მადლისა თვისისა უშურველად იუდეანთა და ელლინთა წინადაუცუეთელთა და სარწმუნოებითა და არა მკუდართაგან საქმეთა ძუელისა სჯულისათა აცხოვნებს ყოველთა“. და მიეცათ რა ყოველთა მორწმუნეთა მშვიდობად და ესრეთ გამოხსნად, ჭეშმარიტად საკრველითა სიყუარულისადთა შეკრულნი, სამადლობელად ღალადებენ ღმრთისა მიმართ: ალილუია.

## იკოსი 7

გამოგირჩია შენ, მოციქულო პეტრე, უფალმან ანგელოსად ახლად, წინასწარმაუწყებელად საიდუმლოთა, საუკუნითგან დაფარულთა, ოდეს ჰკითხვიდა მოწაფეთა თვსთა: „რადსა იტყვთ ჩემთვის ყოფად?“ ხოლო შენ, მამისაგან ზეცათადასა

განათლებული, ამცნებდი უეჭუელად საფუძუელსა ჩუენისა სარწმუნოებისასა, იტყოდი რად მაცხოვრისა მიმართ: „შენ ხარ ქრისტე, ძე ღმრთისა ცხოველისად“. ამისთვის ჩუენცა, პატივისმცემელნი შენნი, ჩუენისა ხსნისა სასოებად დაუფარავად აღმსარებელნი, ვხმობთ შენდამი ესრეთ:

გიხაროდენ, სინაო ახალო, მაცხოვარებისა სჯულისა ფიცართა კაცთათვის ნათლად მაჩუენებელო და ქრისტეს მიერისა დახსნისა მაუწყებელო;

გიხაროდენ, ლოდად სარწმუნოებისა და აღმსარებლობისა საძირკუელად ზეციურისა ხუროთმოძღურისაგან პირველშთადებულო, რომელსაცა ზედა ეკლესია ქრისტესი უძლეველად აღმართებულ-არს;

გიხაროდენ, სამოთხისა შესავლისა პირველკარიბჭეო, რომელსა უწინარეს ყოველთასა აღგითქმიდა უფალი კლიტეთა ცათა სასუფეველისასა;

გიხაროდენ, მსაჯულო სიმართლისაო, რომლისა მიერ სხუათა მოციქულთა თანა განსჯად-არს ათორმეტი ტომი ისრაელისა;

გიხაროდენ, რამეთუ თუალნი და ყურნი შენნი ნეტარ-არიან ქრისტეს იესუმს მიერ ჩუენისა, რომლისა ხილვად და სმენად აღიდრვოდნენ

წინასწარმეტყუელნი, ოდეს მყოფობდეს სოფელსა ამას შინა;

გიხაროდენ, პეტრე და პავლე, მქონებელნო  
შუენიერთა სლვათა კეთილმაუწყებლობასა და  
გულთა განწმედილთა, რამეთუ თქუენ სახარებასა  
მსახურ-ექმენით და სახარებითვე სცხოვრებდით.  
გიხაროდენ, წმიდანო თავნო მოციქულთანო პეტრე  
და პავლე.

### კონდაკი 8

უცნაურად სასწაულად და ვერგულისხმისმყოფელად  
გამოსჩნდი, პეტრე, მზრახველთათჳს მიწისაგანთა,  
რამეთუ უჩინო და შეურაცხი ამის სოფლისა  
გამოგირჩია შენ უფალმან, და არცხვნა ბრძენთა, სძლო  
მეფობათა, მოიყუანნა გუნდნი დაბრმობილთანი  
ნათელსა ჭეშმარიტებისასა, და მოაქამომდე, ვითარცა  
სუეტი ცეცხლისა, განანათლებ ყოველთა მკვდრთა  
ქუეყანისათა, მაჩუენებელი უეჭუელისა გზისა  
ნეტარისა მამულისა. ამისთჳსცა, შენ შორის მაღლისა  
უხუებისაგან განკვრეებულნი, ვღალადებთ ღმრთისა  
მიმართ: ალილუია.

### იკოსი 8

ყოველთათჳს იქმენ ყოველ, ჰოჲ პავლე, ყოველთა  
სიყუარულითა შეიცევდი, შორიელთა და  
ახლობელთა სიტყვთა მაცხოვარებისათა  
მისწუდებოდი, ყოველთა ზედა სარწმუნოებითა

აღმატებული: რამეთუ ფილიპეს მშვიდობასა  
ახარებდი, ხოლო დაღაცათუ ბოროტად იგუემე  
არგნითა და შებორკილებული შთაგდებულ იყავ  
საპყრობილესა, საგალობელსა საკვრველსა ქებისასა და  
მადლობისასა, უგალობდი მას შინა შილას თანა  
ღმერთსა რომელმან იქუხა აღძრვითა დიდითა მონათა  
თვსთათვს, რაჟამს საფუძველნიცა საპყრობილისანი  
შეირყნენ და კარნი განეხუნეს - ჩუენცა,  
ყოვლადბრძენო, მხილველნი შენნი, საპყრობილისა  
წყუდიადისა ნათლითა ღმრთისმეცნიერებისათა  
განმანათლებელად და ტყუეთა ქრისტესმიერისა  
დახსნისა მომნიჭებელად, გიგალობთ ესრეთ:

გიხაროდენ, ქრისტესთვს ტყუე-ქმნილო,  
საპყრობილისა ტაძრად გარდამქცევლო და კაცთათვს  
შენთა ბორკილთა მიერ ეშმაკისა ჯაჭუთა გამხსნელო;  
გიხაროდენ, ძლიერო, მტვრთველო უძღურთა  
უღონოებისა;

გიხაროდენ, ყოვლადსაკვრველო, საკვრველთა მიერ და  
ჭირთა ქებულო, მოხარულთა თანა მოხარულო და  
მგოდებელთა თანა მოტირალო;

გიხაროდენ, ღმრთისა მიერ მიწყვიც ცხოველო, რამეთუ  
ქრისტე იშვა შენდა ცხორებად;

გიხაროდენ, მოღუაწებისა ხატო დაუმრომელო,  
წარსულისა უგულებელსმყოფელო, აწმყოფთგან  
მერმეთა მიმართ განფენილო და ყოვლითა

გულისსიტყვთა ზემოკერძოდასა მოქალაქობისა  
პატივისად მსრბოლო;

გიხაროდენ, პავლე და პეტრე ვიდრელა  
მოსიკუდიდმდე მარტვლობითა უფლისა მსახურებისა  
აღმასრულებელნო და ვითარცა გვრგვნიტა სრბოლისა  
თქუენისა გვრგვნოსანმყოფელნო.

გიხაროდენ, წმიდანო თავნო მოციქულთანო პეტრე  
და პავლე.

### კონდაკი 9

ყოველთა ქრისტეს თანა მოიყუანებდი, მაუწყებელი,  
ჰოდა პავლე, ათინას იჭუნეულთა ბრძენთა მიმართ,  
ზეგარდამომავალისა საღმრთოდასა სიბრძნისა  
მყოფობისა, რადთა უწყოდნიან ამათა ამით ჟამითგან  
ღმერთი, მათგან უხილველი, და შეუდგებოდნიან მას,  
რამეთუ მის მიერ ცოცხალ ვართ და ცხოველნიმცა.  
მითვე ჩუენცა, მადლიტა გამოუთქუმელიტა, გონება  
ჭეშმარიტი მოგვიღებეს და გულიტა უტყუელიტა  
უფლისადა შემსჭუალულ ვართ მღალადებელნი მისა  
მიმართ მტკიციტა სარწმუნოებითა: ალილუია.

### იკოსი 9

ვერმიმთხრობელ ხარ, ენაო კაცობრივო, რაჟამს  
უფალმან ძალთამან ფერხნი თვსტა მონათა დაჰბანნა  
და არდაგიტა წარჰხოცნა. ხოლო შენ, პეტრე, შიშითა

იძლეოდი, ოდეს ხმა-ჰყავ: „არა დამბანნე ფერხნი ჩემნი უკუნისამდე“, გარნა მუნთქუესვე ყოვლითურთ მორჩილებად შეიცუალე ოდეს გესმა სიტყუა თქმული უფლისა მიერ: „უკუეთუ არა დაგბანნე შენ ფერხნი, არა გაქუნდეს შენ ნაწილი ჩემთანა“. და ყოვლითა გულითა აღიზახე ესრეთ: „უფალო, ნუ ხოლო ფერჯნი ჩემნი, არამედ კელნიცა და თავიცა ჩემი“. ჩუენცა მცნობელნი შენნი, ვითარცა ოქროდსა ცეცხლითა გამოცდილისა, განვწმდებით და შემცნობელნი შენისა დამდაბლებისა თაყუანისმცემელნი საიდუმლოსა საღმრთოდსა განგებულებისა, გიგალობთ შენ გულითა დამდაბლებულითა ესრეთ:

გიხაროდენ, პეტრე თუალო არწივისაო, რომლითაცა მხილუელ-იქმენ მზისა სიმართლისა - ქრისტესა ღმრთისა, რომელმანცა ფერჯნი დაჰბანნა იუდას, რომლისა მიერ ამბორებითა მზაკურობისათა მიცემულ იქმნა;

გიხაროდენ, რომელ დაეწინდე ქრისტესა საუკუნოდ, რამეთუ კრავსა უმანკოსა ვითარცა კრავი შეუდექ, დაკლვადმდე შენისა ერთგულება დაიმარხე;

გიხაროდენ, ნაკუერცხალო ჩაუქრობელო, ზეციურისა სამსხუერპლოსაგან საღმრთოდსა სიყუარულისა ცეცხლითა მოუკლებელად გარეშეცვულო;

გიხაროდენ, ბაზმაკო მნთებარეო და მანათობელო, ნათესავითი ნათესავადმდე სიმართლისა ნათლითა

განმაცისკროვნებლო;  
გიხაროდენ, ტევანო მრავალსავსეო ქრისტეს  
ვენახისაო; მრავალსაწუხარისა ამის სოფლისა  
სიხარულად აღზრდილო;  
გიხაროდენ, პეტრე და პავლე, თავსა შორის თვსსა  
ქრისტეს ღმრთისა გამომხატველნო.  
გიხაროდენ, წმიდანო თავნო მოციქულთანო პეტრე  
და პავლე.

### კონდაკი 10

ქრისტესმიერისა ცხორებისა უფსკრული  
გამოუკულებელი და სინანულისა ძალი მრავალი  
აჩუენე შენ შორის, პეტრე, რაჟამს წინასწარუწყებითა  
სამგზის უარჰყავ უფალი: „არა ვიცი მე კაცი ესე!“ -  
ოდეს ჰფუცვიდი და თავსა შეიჩუენებდი ეზოსა შინა  
მღუდელთმთავრისასა, გარნა მეყსა შინა იესუმს  
სიტყუათა მომგონებელი, სრბოდი გარე, მტირალი  
მწარედ. ხოლო ჩუენ ღმობიერებითა მიმხედველნი  
ესევითარისა შემუსრვილებისა, სასწავლებელად და  
სამხილებელად მოუდრეკელისა გულისა ჩუენისა,  
ვგალობთ მმადლობელნი უფლისა მიმართ,  
საკვრველად შენისა განმადიდებელისა: ალილუია.

## იკოსი 10

ზღუდე უძლეველ და საჭურველ იქმენ, ჰოდ პავლე, წინაშე ბნელისა ამის საუკუნოდსა სოფლისა მპყრობელისათა, ვინადთგან მეუფება მათი კორინთოს, ეფესოსა და სხუათა ქალაქთა შინა შეჰმუსრენ, წყუდიადსა მრავალღმერთიანობისასა განსდევნიდი და მეცნიერებასა ჭეშმარიტებისასა დაჰნერგვიდი, რამეთუ მართლიად გამოჩნდი შენ მსახურ ღმრთისა მრავლითა მოთმინებითა, მწუხარებათა შინა, განსაცდელთა, იწროებათა, ნაბრძვლთა, საპყრობილეთა, დაუწყნარებლობათა, შრომათა, მღვძარებათა, მარხვათა შინა, ხოლო გონებაცა ჩუენი ვერ მისწუდების სიმდიდრესა სიკეთისა შენისასა, დღითა და ღამით მრავლითა ცრემლითა მოღუაწებასა. ამისთჳსცა, მხილველნი სიყუარულისა შენისა აურაცხელისა, კადნიერებით გვედრით: შეისმინე ჩუენი, გლახაკთა, ცოდვილითა ბაგითა მეტყუელთა ესრეთ:

გიხაროდენ, მახარებელო უბრძოლველო, რომელმან თავსა შორის თჳსსა სძლიე პირველად კაცი იგი ძუელი, ქრისტეს თანა ჯუარცმულო; გიხაროდენ, მოძღუარო მრავალნაყოფიერო და მგელთა მტაცებელთა მამხილებელო, ვინადთგან შენ მიერ ხატი მორწმუნეთა აჩუენე, მიწყივ იღვიძებდი რა

და მრჩობლად ყოველთა ასწავებდი: სიტყვით და საქმით, თქმულისაებრ;

გიხაროდენ, ყოველთა განმამდიდრებელო, ხოლო უწინარეს თვთვე დაგლახაკებულო და უპოვარებითა ყოვლისა მქონებელო;

გიხაროდენ, ქრისტეანეთათჳს მგზნებარეო მოშურნეო, რომელმან დამწინდევ ქრისტესა, ვითარცა ქალწული წმიდაჲ, სასძლოჲ უმანკოჲ;

გიხაროდენ, რომლისა ნაწლევნი მრავალსაღმობიერ გექმნეს შვილთა შენთათჳს ტანჯვათა შინა მშობიარობისათა, ვიდრელა გამოისახებოდა ქრისტე შორის მათსა;

გიხაროდენ, პავლე და პეტრე, ერთითა საღმრთოჲთა სულითა ჯერჩინებულნო, ერთსა ქალაქსა შინა ქრისტეს ერთგულებისა სისხლითა დაბეჭდილნო.

გიხაროდენ, წმიდანო თავნო მოციქულთანო პეტრე და პავლე.

## კონდაკი 11

ვუგალობთ და ვჰნატრით საკრველთა და ტანჯვათა შენთა, პავლე მრავალვინებულო, რომელი მოთმინებითა მრავლითა წარემართე, გარნა სიხარულითაცა შეიწყნარე საკრველნი მოსწავებულნი წინასწარმეტყუელისა აგაბოსაგან, და ეკლესიასა კესარიისასა ეწამებოდი ესრეთ: „არა ხოლო შეკრვად

განმზადებულ ვარ სახელისათვის უფლისა იესუძსა“. და ჩუენცა მასვე, წმიდათა შორის საკვრველსა, უგალობთ გალობასა: ალილუია.

## იკოსი 11

გამოუთქმელისა სიხარულისა ნათლითა და საღმრთოდთა სიყუარულითა გამობრწყინდი, პეტრე, რაჟამს შემდგომად აღდგომისა უფალი უადრეს მოციქულთა გეჩუენა შენ მჭმუნვარესა. მერმელა, შემდგომად ჩუენებისა, გრქუა შენ სამგზის უფალმან ცხორებისამან: „სჯომნ იონასო, გიყუარ-მეა?“ ხოლო შენ საღმრთოდსა სიყუარულისა ცეცხლითა აღნთებული, თბილად მიუგებდი: „უფალო, შენ უწყი, ვითარმედ მიყუარ მე“. ამისთვსცა ჩუენცა დაგლახაკებულნი სულითა, მომგონებელნი შენისა ცრემლისა სიუხვისა და სიყუარულისა, რომლისთვსცა გიწოდა შენ უფალმან პირუელსავე საზომსა მოციქულებისასა, კეთილკრძალულებით ვხმობთ შენდამი ესრეთ:

გიხაროდენ, სინანულისა მასწავლელო, ცრემლითა მწარითა სიმაღლისა სიმდაბლისასა მომპოვნებელო და საფლავისაგან აღმდგარისა მიერ სიხარულსა გამოუთქმელსა საუკუნოდ ზიარებულო; გიხაროდენ, სიბრძნისა უფსკრულო, სიმაღლეო სიმდაბლისაო, მგზნებართა სიყუარულითა,

მოქალაქობისა ხატისა თავსა შორის თვისსა ყოველთა  
მორწმუნეთათჳს გამომაჩინებელო;  
გიხაროდენ, მეგობარო იესუდსაო, რომელმან უღელი  
მახარებლობისა მოშურნეობითა იტვრთე, უფლებასა  
საღმრთოსა სამკვდრებელსა ზედა არა თავს-იდებდი,  
გარნა მორჩილებასა ხელმწიფებათა ასწავებდი;  
გიხაროდენ, მოციქულო ქრისტესო, რომელმან  
მეცნიერება გუელისა და უბიწოება ტრედისა თავსა  
შორის შენსა შეაუღლე და ჯუარსა ზედა სიკუდილისა  
შენისა სახითა ფრიადი სიმდაბლე აჩუენე;  
გიხაროდენ, უფლისა ერთგულო მონაო, რომელმან  
განამრავლე შენდა ბოძებული ტალანტი და შეხუედ  
სიხარულსა უფლისასა;  
გიხაროდენ პეტრე და პავლე, დიდსულოვანებისა  
თქუენისა სიყუარულითა ყოვლისა სოფლისა  
დამტევნელნო და კიდეთა ქუეყანისათა  
განმანათლებელნო.  
გიხაროდენ, წმიდანო თავნო მოციქულთანო პეტრე  
და პავლე.

## კონდაკი 12

მადლი სულისა ნუგეშინისმცემელისა დაადგრა რა  
მორწმუნეთა მსგავსად ცეცხლისა ენათა, მსწრაფლვე  
გამოკრთა ბაგეთაგან შენთა, პეტრე, სიტყუად  
მოტყინარედ, რათა მის მიერ ახარებდი ძალითა

მრავლითა ქრისტესა ჯუარცუმულსა არა მხოლოდ წარწყმედულთა ცხოვართა სახლისა ისრაელისათა, არამედ კერპთმსახურთაცა ბერწსა ეკლესიასა, რადთა მოისთულიდნენ იგინიცა საღმრთოსა დაუჭნობელსა შრომანსა სიწმიდისა და სინანულისასა. ითხოვე ჩუენთვსცა, მოციქულო სანატრელო, წყალობა უფლისა, რომელიცა იქმოდა შენ შორის დიდებულსა და სანატრელსა, აღადგენდა რა ხელითა შენითა მკუდართა და ჯუარსა ზედა შენითა დამოკიდებითა მომკუდარი სიყუარული ჩუენი აღაგზნო, რადთა დაუცხრომელად უგალობდეთ მას: ალილუია.

## იკოსი 12

უგალობთ რა უნათლესსა ხსენებასა შენსა, პავლე, ღირსად ვნატრით გამოუთქმელსა მოღუაწებასა, საღმობათა და შრომათა შენთა, რომელი ეგე მღვდარებათა, სიყმილსა და წყურილსა, მარხვასა, ზამთარსა და შიშლოებასა თავს იდებდი. ვინ-მე აღრაცხის ნაბრძღნი, ჭირნი და განსაცდელნი შენნი ქალაქთა შინა, უდაბნოთა, ზღუათა, ძვრშემთხუეულებანი ავაზაკთაგან, ჭირნი თვსტომთაგან, განსაცდელნი ნათესავთა და ძმამტყუვართაგან? ვინ გემსგავსოს შენ? უმეტეს ყოველთა მოციქულთა იღუაწე შენ. ამისთვსცა გვედრით შენ: ნუ მომიძაგებ ჩუენ, ცოდვილთა,

მლოცველთა შენდამი, არამედ ვითარცა ყოველთათვის  
იყავ ყოველ, აწცა ისმინე უძღურითა ხმითა  
შემწირველთა ესევითართა:

გიხაროდენ, მონაო ქრისტესო, საპყრობილითგან  
სინათლისა მომფენელო, სიტყვთა და წერილითა  
კრულებასა შინა მრავალმოღუაწეო, რამეთუ,  
ჭეშმარიტად, ღმრთისა სიტყუად არავე შეიკრვის;  
გიხაროდენ, სიყუარულისა უფსკრულო

გამოუკვლეველო, რომლისა სიწრფოებითა ინებე შენ  
ძმათა შენთათვის განგდებულ ქრისტესაგან ყოფად;  
გიხაროდენ, მოღუაწეო უსაკვრველესო, რომელმან  
კეთილითა ღუაწლითა იღუაწე, სრბად აღასრულე და  
სისხლითა შენითა ეკლესია განაშუენე;

გიხაროდენ, ზღუათა საკვრველებათასა

გამომადინებელო, ვინადთგან ვარშამანგნიცა და  
ოლარნიცა შენნი განჰკურნებდენ და ეშმაკთა  
განასხმიდენ;

გიხაროდენ, საღმრთოდასა სიყუარულისა

განუშორებელო თანაზიარო, მალლისა მზრახველო და  
არა ამის სოფლისაო, რადსთვსცა ჯორცთაგან  
განსლვისა და ქრისტესთან მიახლებასა სურვიელ  
იქმენ;

გიხაროდენ, პავლე და პეტრე, ქრისტეანეთა

სარწმუნოებისა დამნერგველნო, კეთილმსახურებისა  
წყალთაგან მომრწყველნო და საუკუნოსა ლიმენასა

მორწმუნეთა მიმყუანებელნო.

გიხაროდენ, წმიდანო თავნო მოციქულთანო პეტრე და პავლე.

### კონდაკი 13

ჰოდ, ყოვლადქებულნო მახარებელნო პეტრე და პავლე! შეისმინეთ სულთქმანი გულთა ჩუენტანი, მვედრებელთა ამათ, რამეთუ მრავალი ძალუმს ლოცვასა მართალთასა წინაშე ღმრთისა: ისწრაფდითცა აწ მოგონებად ჩუენდა ზეციურისა წოდებისა და ქრისტეანულისა აღსასრულისა ცხორებისა ჩუენისა, მიგვიზიდენით ჩუენ სახარებისა ჭეშმარიტებისა სიტკბოებასა, შემზღუდეთ ჩუენ საკრველითა ქრისტეს სიყუარულისადათა, რადთა ჩუენ ყოველნი უარისმყოფელნი უსჯულოებისა და სოფლისა გულისთქმათა, შევიდეთ სიხარულსა უფლისა ჩუენისა, მაგლობელნი მისდა ანგელოსთა და წმიდათა გუნდთა თანა: ალილუია.

*ესე კონდაკი (13) ითქმის სამგზის, შემდეგ იკოსი პირველი „ანგელოსად კეთილმაუწყებელად...“ და კონდაკი პირველი „კრავისა უბიწოდსა...“.*

*თარგმანი დეკანოზ არჩილ მინდიაშვილისა*